



ՀԱՅԱՍՏԱՆԻ ՀԱՆՐԱՊԵՏՈՒԹՅԱՆ ՊԵՏԱԿԱՆ ԵԿԱՄՈՒՏՆԵՐԻ ԿՈՄԻՏԵ

ք. Երևան, Ա. Դավթի 87ա

« 23 » Հոկտեմբերի 2018թ.

Ո Ր Ո Շ ՈՒ Մ No. 3753 /12-Ա

Հկատարված հարկային պարտավորությունները գանձելու մասին

Հայաստանի Հանրապետության պետական եկամուտների կոմիտեի իրավաբանական վարչության պետ Ա. Մնացականյանս քննարկելով «ԱՍՏՐԵԱ» ՍՊԸ-ի վերաբերյալ վարչական վարույթի նյութերը

Պ Ա Ր Զ Ե Ց Ի

Համաձայն հարկային մարմնում առկա անձնական հաշվի քարտի տվյալների «ԱՍՏՐԵԱ» ՍՊԸ-ի (ՀՎՀՀ 02558857, գրանցման համարը՝ 286.110.04337, վկ.՝ 03Ա 051778, հասցե ք. Երևան, Կաշեգործների 70, տնօրեն Վարդան Սահակյան) չկատարված հարկային պարտավորությունը «01» հոկտեմբերի 2018թ.-ի դրությամբ կազմել է 319.160 դրամ, որից ապառք՝ 219.606 դրամ, տույժ՝ 84.572 դրամ, տուգանք՝ 14.982 դրամ:

Վերոհիշյալ պարտավորության մասով Հայաստանի Հանրապետության պետական եկամուտների կոմիտեի իրավաբանական վարչությունում, համաձայն «Վարչարարության հիմունքների և վարչական վարույթի մասին» ՀՀ օրենքի 30-րդ հոդվածի 1-ին մասի, հարուցվել է վարչական վարույթ չկատարված պարտավորությունը գանձելու վերաբերյալ՝ վարչական ակտ ընդունելու նպատակով, որի մասին «01» հոկտեմբերի 2018թ.-ին հարկ վճարողը ՀՀ ինտերնետով ծանուցման պաշտոնական կայքում տեղադրելու միջոցով պատշաճ կերպով ծանուցվել է, բանավոր հայտնել է, որ պարտավորությունները կմարի մաս-մաս:

ՀՀ ԿԱ ՊԵԿ իրավաբանական վարչության պետի կողմից 28.11.2016 թվականին կայացվել է չկատարված հարկային պարտավորությունները գանձելու մասին թիվ 466/05 որոշումը՝ «ԱՍՏՐԵԱ» ՍՊԸ-ից 107.978 դրամ գումար գանձելու վերաբերյալ, որից պետական տուրք՝ 92.978 դրամ /ապառք՝ 69.606 դրամ, տույժ՝ 23.372 դրամ/, ստ./ակտի 10%՝ 15.000 դրամ: Որոշումն ուղարկվել է ՀՀ ԱՆ ՀԿ ծառայություն կատարման:

Թիվ 466/05 որոշումից ենթակա է գանձման ընդամենը **107.960 դրամ**, որից պետական տուրք՝ 92.978 դրամ /ապառք՝ 69.606 դրամ, տույժ՝ 23.372 դրամ/, ստ./ակտի 10%՝ 14.982 դրամ:

Արդյունքում սույն որոշմամբ գանձման ենթակա օրենքով սահմանված ժամկետում չկատարված հարկային պարտավորությունը կազմում **211.200 դրամ**, որն ամբողջությամբ **պետական տուրքի** գումար է, որից ապառք՝ 150.000 դրամ, տույժ՝ 61.200 դրամ, որն առաջացել է 2017 և 2018 թվականների պետական տուրքի հաշվարկներից և «Պետական տուրքի մասին» ՀՀ օրենքի 35-րդ հոդվածով հաշվարկված տույժերից:

Գանձման ենթակա չկատարված պարտավորության նկատմամբ օրենքով սահմանված կարգով և չափերով հաշվարկվում են տույժեր, որոնք ենթակա են կատարման մինչև սույն որոշման կատարման օրը՝ ՀՀ հարկային օրենսգրքով կամ օրենքով սահմանված կարգով հաշվարկված տույժերի հետ միասին:

ՀՀ հարկային օրենսգրքի 4-րդ հոդվածի 1-ին մասի 1-ին կետը սահմանում է, որ հարկը պետական և (կամ) հասարակական կարիքների բավարարման նպատակով Հայաստանի Հանրապետության պետական և (կամ) համայնքների բյուջեներ վճարվող պարտադիր և անհատույց գումար, որը վճարվում

է հարկ վճարողների կողմից՝ ՀՀ հարկային օրենսգրքով սահմանված կարգով, չափերով և ժամկետներում:

Համաձայն «Հայաստանի Հանրապետության 2018 թվականի պետական բյուջեի մասին» ՀՀ օրենքի՝ ՀՀ պետական բյուջեի եկամուտների հիմնական աղբյուրը հարկային եկամուտներն ու պետական տուրքերն են, որոնց հավաքագրման շնորհիվ են կատարվում նույն օրենքով նախատեսված հանրային, պաշտպանության, հասարակական, անվտանգության, դատական գործունեության և այլ ոլորտներում նախատեսված ծախսերը: Նշվածից ելնելով և հաշվի առնելով պարտավորությունների գանձման կարևորագույն հանրային նշանակությունը՝ **սույն որոշումը ենթակա է անհապաղ կատարման:**

Վերոգրյալի հիման վրա, ղեկավարվելով ՀՀ հարկային օրենսգրքի 4-րդ հոդվածի 1-ին մասի 64-րդ, 66-րդ կետերով, 398-րդ հոդվածի 5-րդ և 7-րդ մասերով, «Հարկային ծառայության մասին» ՀՀ օրենքի 4-րդ հոդվածի 9-րդ մասով և «Վարչարարության հիմունքների և վարչական վարույթի մասին» ՀՀ օրենքի 55, 56, 58, 88 հոդվածներով՝

Ո Ր Ո Շ Ե Ց Ի

1. «ԱՍՏՐԵԱ» ՍՊԸ-ից գանձել **211.200 դրամ** պարտավորության գումար:
2. Սույն որոշումն օրենքով սահմանված ժամկետում անբողոքարկելի դառնալուց հետո ուղարկել կատարման ՀՀ ԱՆ ՀԿ ապահովող ծառայություն:
3. Որոշման օրինակն եռօրյա ժամկետում ուղարկել հարկ վճարողին:
4. Սույն որոշումն ուժի մեջ է մտնում այն հարկ վճարողի էլեկտրոնային փոստի հասցեին ուղարկելու կամ Հայաստանի Հանրապետության հրապարակային ծանուցումների պաշտոնական ինտերնետային կայքում տեղադրելու օրվան հաջորդող օրվանից:
5. Սույն որոշումը կարող է բողոքարկվել վարչական մարմին՝ «Վարչարարության հիմունքների և վարչական վարույթի մասին» ՀՀ օրենքի 70, 71 հոդվածներով սահմանված կարգով, ուժի մեջ մտնելու օրվանից երկամսյա ժամկետում կամ ՀՀ Վարչական դատարան:

**ԻՐԱՎԱՐԱՆԱԿԱՆ
ՎԱՐՉՈՒԹՅԱՆ ՊԵՏ**



Ա. ՄԱՅԱԿԱՆՅԱՆ

Ստացա որոշման օրինակը

Ստորագրություն

հարկ վճարողի /կամ ֆիզ. մեծի/ պաշտ. Անձի անուն ազգանուն

ամսաթիվ

Կատարող՝ ԻՎ ՀԳ քաժին,
գլխավոր մասնագետ
Հրաչ Մուրադյան, հեռ.0281 39717